


2018

# Årsmelding fylkesrådet for menneske med nedsett funksjonsevne



## Innhold

Rolle og funksjon i valperioden 2015 – 2019 .....	2
Arbeidsplan 2016 – 2019.....	3
Aktivitetsåret 2018.....	3
Deltaking i andre råd, utval, kurs og konferansar .....	4
Vedlegg – uttalar frå fylkesrådet for menneske med nedsett funksjonsevne.....	5
Høyringsuttale til regional strategi for senterstruktur og tettstadutvikling .....	5
Høyringsuttale til forslag om endringar i kreftregerforskrifta .....	5
Høyringsuttale til regional strategisk plan for kysten 2018 – 2029 .....	5
Høyringsuttale til regional plan for klimaomstilling .....	5
Høyringsuttale til forskrifta om nytt biverknadsregister .....	5
Innspel til budsjett 2019 og økonomiplan 2019 – 2022 .....	5

## Rolle og funksjon i valperioden 2015 – 2019

Fylkesrådet for menneske med nedsett funksjonsevne er eit rådgjevande organ for fylkeskommunen. Rådet skal handsame saker som gjeld menneske med nedsett funksjonsevne, med tanke på å gjere kvar dagen enklare for dei. I møte i fylkesutvalet 4. november 2015 i sak 109/15: Val av medlemer til nemnder o.a. vart fylgjande valt for perioden 2015 – 2019:

Medlem: Erlend Haugen Herstad (Sp)  
Varamedlem: Gunn Karin Sande (Sp)

Medlem: Odd Atle Stegegjerde t (Ap)  
Varamedlem: Beate Bondevik Lie (KrF)

Medlem: Wenche Røkenes (FFO)  
Varamedlem: Anita Æsøy (FFO)

Medlem: Magnus Strand (FFO)  
Varamedlem: Geir Liavåg Strand (FFO)

Medlem: Bente Underthun (SAFO)  
Varamedlem: Elbjørg Lie (SAFO)

Fylkesutvalet valde i møte 4. november 2015 fylgjande som leiar og nestleiar:  
Erlend Haugen Herstad - leiar  
Odd Atle Stegegjerdet - nestleiar

Wenche Røkenes søkte om fritak frå vervet i mai 2017. Fylkesutvalet handsama søknaden i møte 20. juni 2017, og gjorde slikt vedtak i sak 66/17:

1. Fylkesutvalet fritar Wenche Røkenes frå sitt verv i fylkesrådet for menneske med nedsett funksjonsevne
2. fylkesutvalet vel som ny medlem i fylkesrådet for menneske med nedsett funksjonsevne: Anita Æsøy
3. Fylkesutvalet vel som ny varamedlem i fylkesrådet for menneske med nedsett funksjonsevne: Synnøve Solhaugen Engen

Fylkeskommunale og kommunale råd for menneske med nedsett funksjonsevne er lovpålagt gjennom *Lov av 17.06.05 om råd eller anna representasjonsordning i kommunar og fylkeskommunar for menneske med nedsett funksjonsevne*. Meir detaljar om lova finn du her: <https://lovdata.no/dokument/NL/lov/2005-06-17-58>

# Arbeidsplan 2016 – 2019

Fylkesrådet for menneske med nedsett funksjonsevne justerte arbeidsplanen i møte 5. februar 2018:

## **Visjon:**

Menneske med nedsett funksjonsevne har like rettigheter og mogleigheter som alle andre

## **Mål:**

- Rådet vil jobbe for:
  - Likeverd og likestilling, gjennom mogleighet for likeverdig deltaking i samfunn, skule og arbeid
  - Eit meir tolerant samfunn utan diskriminering og mobbing
  - Handlings- og bevegelsesfridom som inneberer like økonomiske, kunnskapsmessige og sosiale rettigheter for alle
- Innbyggjarane og fylkespolitikarane i Sogn og Fjordane skal vite kva fylkesrådet er, og kva vi jobbar med - fylkestinget/fylkeskommunale organa oppsøker aktivt fylkesrådet
- Rådet ynskjer å engasjere seg i offentleg tenesteyting, opplæring og universell utforming

## **Tiltak:**

- Lage digital informasjonsbrosyre om fylkesrådet, samleinformasjon og dagsaktuelle ting?
- Arrangere konferanse for heile fylket i løpet av perioden
- Vere aktive i media for å stå i spissen for saker som vedkjem menneske med nedsett funksjonsevne
- Vere ein aktiv bidragsytar i fylkeskommunen sitt planarbeid
- Vere synleg i fylkesting og fylkesutval
- Oppsøke og informere alle partigruppene
- Invitere leiarane for hovudutvala (inkl. fylkesdirektørane) til dialog med fylkesrådet. Kva ser for eksempel hovudutvala for seg av kva som er utfordringar og kva fylkesrådet kan engasjere seg i
- Representantane i fylkesrådet som representerer SAFO og FFO ha dialog med brukarorganisasjonane, for å få innspel på viktige saker som fylkesrådet bør jobbe med
- Samarbeide med dei kommunale råda for å få innspel og drive oppfølging

# Aktivitetsåret 2018

Fylkesrådet for menneske med nedsett funksjonsevne gjennomførte 4 rådsmøter og handsama 10 saker i 2018. I desse rådsmøta vart det i tillegg drøfta relevante problemstillingar og handsama til saman 16 skriv og meldingar.

**5. februar** var møte på Skei, der Geir Liavåg Strand frå FFO og Per Tollesen frå SAFO orienterte om arbeidet som vert gjort i dei to brukarorganisasjonane.

**18. april** var møte på Fylkeshuset, Leikanger. Leiarane frå dei kommunale råda i Sogndal (Knut Ole Myren) og Balestrand (Annbjørg Alrek), var med i starten av møte, der det var erfaringsutveksling mellom dei kommunale råda og fylkesrådet.

**6. september** i Florø, der fylkesrådet starta møte med omvising hos Nærtenesten, der Torleif Hjermann orienterte om bedrifta. Leiarane i dei kommunale råda i Flora, Bremanger og Vågsøy var invitert til deler av møte.

**15. november** var møte på Fylkeshuset, Leikanger, der Dagfinn Henjum Sværen frå opplæringsavdelinga var å orienterte om lærekandidatordninga.



Torleif Hjermann fortel om Nærtenesten i Florø.

## Deltaking i andre råd, utval, kurs og konferansar

- Landskonferansen var på Hamar 13. – 14. september 2018, der Odd Atle og Magnus deltok. Fylgjande programpostar var oppe på landskonferansen:
  - Skule og oppvekst sett med ungdommen sine eigne auger
  - Integrering og segregering
  - Tiltak for ungdom som ikkje er i vidaregåande opplæring
  - Frå elev til lærling
  - Dei vanskelege overgangane
  - Fråfall i vidaregåande opplæring – kva vert gjort?
  - Karrieresenteret i Hedmark
  - Vegkart – universell utforming i nærskule
  - Inkludering i oppvekstmiljø for alle?
  - Fritak frå fag
  - Bruk av teknologi
  - Elevar med spesielle behov
- SOR-konferansen 3. – 4 mai 2018, der Odd Atle deltok. Tema for konferansen var «Noe å stå opp til».

# Vedlegg – uttalar frå fylkesrådet for menneske med nedsett funksjonsevne

## Høyringsuttale til regional strategi for senterstruktur og tettstadutvikling

- *I avsnittet om retningslinjer for arealbruk meiner fylkesrådet for menneske med nedsett funksjonsevne at det kunne vore skrive meir i strategien som omfattar universell utforming i tettstader. Godt tilrettelagte tettstader må vere universelt utforma, slik at alle enkelt kan ta del i samfunnet.*

## Høyringsuttale til forslag om endringar i kreftregisterforskrifta

*Fylkesrådet for menneske med nedsett funksjonsevne støttar forslaget om endringa i kreftregisterforskrifta.*

## Høyringsuttale til regional strategisk plan for kysten 2018 – 2029

*Fylkesrådet for menneske med nedsett funksjonsevne, dei kommunale råda og brukarorganisasjonane må involverast slik at menneske med nedsett funksjonsevne vert ivaretakne. Dette gjeld spesielt i samband med strategiområda; etablere eit kystråd og knyte saman kysten med betre infrastruktur. Det er viktig med brukarmedverknad. Vi er oppteken av at planen tek i vare universell utforming.*

*Fylkesrådet for menneske med nedsett funksjonsevne oppmodar dei kommunale råda i kystkommunane om å sende inn uttale til regional strategisk plan for kysten. Fylkesrådet legg ved uttalen dei har vedteke.*

## Høyringsuttale til regional plan for klimaomstilling

*Fylkesrådet for menneske med nedsett funksjonsevne er positive til at ein skal ha klimavennlege løysingar. Fylkesrådet ser på det som sjølvsagt at klimavennlege løysingar og skal vere universelt utforma og inkludere alle. Det må vere mogleg å bruke dei nye klimavennlege løysingane for menneske med ulike føresetnader.*

## Høyringsuttale til forskrifta om nytt biverknadsregister

*Fylkesrådet for menneske med nedsett funksjonsevne støttar forslaget til forskrifta.*

## Innspel til budsjett 2019 og økonomiplan 2019 – 2022

- *For vidaregåande opplæring bør ein unngå segregerte tilbod, slik at alle vert inkludert. Iwareta og legge til rette for alle i vidaregåande opplæring, slik at det vert ei inkluderande og likeverdig opplæring for alle. Vi meiner at retten til opplæringsperiode må vere likt praktisert hos alle dei vidaregåande skulane.*
- *I folkehelsearbeidet bør det vere eit tilbod for alle.*
- *Prioritere ungdom, barn og opplæring, slik at kostnadskutt ikkje rammar desse gruppene.*
- *Når det vert tildelt midlar frå fylkeskommunen bør det så langs som råd leggast til*

*rette for at kulturarrangementa skal vere tilrettelagte for menneske med nedsett funksjonsevne.*

- *Fylkeskommunen må strekke seg langt for at universell utforming er gjennomført slik at kollektive transportordningar, bussshaldeplassar og kaier, faktisk og i praksis, er tilgjengelege for menneske med nedsett funksjonsevne.*
- *Det er viktig at fylkeskommunen i prosessen med byggeprosjekt og andre investeringar, tek i vare universell utforming.*
- *Når prosjekt i økonomiplanen for 2019-2022 skal realiserast, er det viktig å sikre brukarmedverknad i prosjekta.*